



N° 7766
Entrée le 14.03.2023
Chambre des Députés
Déclarée recevable
Président de la Chambre des Députés
(s.) Fernand Etgen
Luxembourg, le 15.03.2023

Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 14/03/2023

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un de Minister fir Immigratioun an Asyl weiderzeleeden.

Am Kader vun der Gestoun vun de Foyere schaffen nieft Educateuren an Assistants social och Gardiene fir den ONA.

An deem Zesummenhang wéilt ech dem Minister dës Froe stellen:

1. Wéi vill Gardien ginn am Schnëtt bei engem Site vum ONA agesat?
2. Op wéi engem Foyer ginn déi meeschte Gardienen agesat a wéi vill Persounen sinn et? Op wéi engem déi mannsten a wéi vill Persounen sinn et?
3. Wéi vill Gardiene solle bis 2024 bäikommen?
4. Wéi vill Gardiene solle bis 2027 bäikommen?
5. Wat sinn d'Aufgabe vun de Gardiene bei de Foyeren?
6. Op wéi ville Sitten huet d'ONA Persounen ënnerbruecht an op wéi vill vun dëse Sitte gi Gardienen agesat?

Mat déiwem Respekt,

CLEMENT Sven
Deputéierten



www.piraten.lu



Äntwert vum Här Minister fir Immigratioun an Asyl op d'parlamentaresch Ufro N°7766 vum 14. Mäerz 2023 vum honorabelen Deputéierten Sven Clement

1) Wéi vill Gardien ginn am Schnëtt bei engem Site vum ONA agesat?

Et sinn aktuell 150 Gardien an op 53 vu 66 Site verdeelt (dat ass eng Moyenne vun 2,27 Gardien fir all Site).

2) Op wéi engem Foyer ginn déi meeschte Gardien agesat a wéi vill Persounen sinn et? Op wéi engem déi mannsten a wéi vill Persounen sinn et?

D'Zuel vun de Gardien ass proportional zu der Gréisst, Kapazitéit a Komplexitéit vum Site:

- Déi meeschte Gardien ginn agesat an der Struktur "Kirchberg 90" mat 16 Gardien fir Stand haut 900 Leit.
- 15 Ënnerkonftsstrukturen hu guer keng Gardien.

3) Wéi vill Gardien solle bis 2024 bäikommen?

Dëst wäert vun der Ouverture a Fermeture vun de Sitten an de nächste Joren ofhänken. An der Reegel probéiert den ONA fir all Struktur wou ob mannst 30 Persounen ënnerbruecht sinn e Gardien um Site ze hunn. Ab 100 Persounen soll en zweete Gardien derbäi kommen. Dës Schlëssel hänkt allerdéngs och dervun of wéi d'Gebäier konfiguréiert sinn (wéi vill Personal een z. B. fir eng Evakuatioun brauch) a wéi vulnerabel d'Persounen sinn déi do ënnerbruecht sinn.

4) Wéi vill Gardien solle bis 2027 bäikommen?

Idem Äntwert 3.

5) Wat sinn d'Aufgabe vun de Gardien bei de Foyeren?

D'Aufgabe vun de Gardien enthalen folgend Beräicher:

- Receptioun an Zougangskontroll (den Accueil vu neien Awunner an Zouweisung op hier Zëmmeren, Lëscht vun all Entréeën a Sortien an de Strukturen, Verwaltung vum Zougang op de Parking, asw.)
- Administratioun vun der Ënnerkonftsstruktur (Anhale vum règlement d'ordre intérieur, Gestoun vu verschide Stocken asw.)



- Technesch Kontrollen (Iwwerwaachung vun allen techneschen Installatiounen, suivi vu Maintenance-Aarbechten, asw.)
- Sécherheet (deeglech Tester vun all de Sécherheetsgeräte, Iwwerpréiwung vun Noutausgäng, Mediatioun am Fall vun engem Konflikt, asw.)
- Hygiène (Iwwerwaachung a Suivi vu Botzpläng, Konformitéit mat sanitäre Moossnamen, asw.)
- Administrativ (Aktualiséierung vun Awunnerregisteren, Ausschaffe vun deegleche Berichter, Bestellung vu Wueren, asw.)

6) Op wéi ville Sitten huet d'ONA Persounen ënnerbruecht an op wéi vill vun dëse Sitte gi Gardienen agesat?

Aktuell huet den ONA 66 Ënnerkonftsstrukturen an et ginn op 53 Sitte Gardienen agesat.

Lëtzebuerg, den 14 Abrëll 2023

Minister fir Immigratioun an Asyl

(s.) Jean Asselborn